

Održan koordinacioni sastanak u Opštinskom sudu u Travniku

11.05.2026 13:30



Dana 8. maja 2026. godine, u prostorijama Opštinskog suda u Travniku održan je sastanak predstavnika Federalne uprave za geodetske i imovinsko-pravne poslove i predstavnika opštinskih sudova u Travniku, Sarajevu, Zenici i Bugojnu. Sastanak je organiziran u okviru koordinacije aktivnosti na sistematskoj uspostavi i/ili zamjeni zemljišne knjige u sklopu Projekta unapređenja geoprostorne infrastrukture i procjene vrijednosti nekretnina (GIVE projekat).

Tema sastanka je bila razmjena dosadašnjih iskustava i dobrih praksi u postupku sistematske uspostave i/ili zamjene zemljišne knjige, efikasnije sprovođenje ovih procesa, kao i identifikacija izazova i mogućih rješenja.

Tokom sastanka, svi učesnici su razmijenili iskustva iz dosadašnje implementacije u različitim opštinskim sudovima te razgovarali o mogućnostima dodatnog unapređenja međuinstitucionalne saradnje.

Ovakvi sastanci predstavljaju važan korak ka razmjeni iskustava i znanja između ključnih institucija zemljišnoknjižne administracije u Federaciji Bosne i Hercegovine, te potvrđuju opredijeljenost svih aktera ka efikasnijem pružanju usluga građanima i zaštiti imovinsko-pravnih odnosa.